

دائرة مخصوصه

در سعادتده باب عالی جوار رنده

محل اداره :

مشرق الشرق

اخطار :

مسلكمزه موافق آثار جديده مع المنوويه
قبول اولنور

درج ايده بن آثار اعاده اولنور

ديش، فلسفه، علوم، حقوق، ادبيات و سياستمانده ربا لخاصه كرك سياسي و كرك اجتماعي و مدني احوال و شئون اسلاميه و بحث ايد و هفته ده بر نشر از انور.

آبونه بدلي

سنه لکی التي آيلنی

ممالك عثمانیه	ايچون	۶۵	۳۵	غروش
روسيه	»	۶۰۵	۳۰۵	روبله
سائر ممالك اجنبيه	»	۱۷	۹	فرائق

صاحب و مؤسسلری :

ابوالعلا زين العابدين - ح . اشرف اديب

تاريخ تأسيسی

۱۰ تموز ۳۲۴

در سعادتده نسخه سی ۵۰ پاره در

قبرله دن مقوا بورو ايله کوندريليرسه سنوی
۲۰ غروش فضله آلنیر

عدد : ۱۰۷

۱۸ رمضان ۳۲۸ پنجشنبه ۹ ايلول ۳۲۶

بشنجی جلد

بك فرقتی بر حاله كلدیكنی « اسفله سویلدكن صوكرانهیلره طوغرو
شویله سرزنشلرده بولونیور :

« حریت اعلان اولونور اولونماز بوتون تورکیه ده فرانسه یه قارشى بر میلان
باشلادی :

هر طرفه فرانسز لسانى تعمیمه چالیشدیله . تکمیل طلبه لرینی فرانسه یه
کوندردیلر . فرانسه دن مالیه مشاورى ، عدلیه مشاورى ، مالیه مأمورلری ،
اصلاحات مالیه قومیسوننه اعضا ، نافعیه مهندس دعوت ایتدیله . امور
نافعه تشبثاتی بیک مشکلات ایله چیقاییلدیکی حالده یمن ، صنعا ، باندیرمه -
صوما ، طرابلس - حصص شمندورینی فرانسزلره ویردیله . تلفون امتیازینی
آلان سندیه ده فرانسزلره داخل . حاصلی تورکیه نك هرجه تده فرانسه نك
نفوذ مادی و معنوی صوكر درجه ده آرتیور ودها زیاده آرتیق استعدادینی
کوستریوردی . بوبر حقیقت که انکار قبول ایتمز .

صراط مستقیم

« ولن ترضی » حقیقت عالیه سنك اون اوچ عصر اول
حکمی نه ایسه یکریمی آلتی عصر صوكراده او اوله جغه . هیچ
دکشمیه جگنه شبهه ایتمه لی در . دون انکار اولونان ، اولونماق ایستمن
شو حقیقت بوکون ، یاخود یارین البت تسلیم اولونه جقدر . واقعا
اونلری ممنون ایتمک الدن کلدیکی قدر غیرتدن کری طور میورز ؛ بویله
یاچمه مزه اساساً بر مانع ده یوقدر . فقط متعصب ، منفعتپرست اوروپانك
کوکل آرزوسیه طریق حقه ، دائره عدله کیرمسی ، امین اولملی در که ،
هیچ بر زمان مشهور اولمایه جق در . بناءً علیه دائماً حقیقتی کوزا وکنده
بولوندره رق نه وقیله فضله تملق کوسترملی ، نه ده صوكر حقارتدن
بودرجه لرده متأثر و منفعل اولملی !!

« تان » غزه سنك صوكر مقاله لری

استقراضی کندی دائره سنده یا مادیفمز ایچون فرانسه دوستمز
بزه بك قیزدی . ناظرلر ، بانکرلر بر لرله صوئوق و جدی قونوشورکن ،
پاریس و استانبول جریده لر ده شدید و حار بر قلم غوغاسنه طوتوشدیله .
بولوار غزه لرینك نه لر یازدیغندن خبریمز یوق ، چونکه اونلره کوز
کزدیرمه یه وقت بولامیورز . محترم « طینك » ك « لحنه یارانی »
تشبیهنه باقیلورسه بك ایلری کیتدکلی آ کلاشیلور . اوتنه دهری جدی
و آغیر باشلی طانیلان « تان » ك صوكر مقاله لریده ، بوبابده بر فکر
ویرمه یه کافیدر . مطبوعات مناقذاتنك ، اسه تقراض مسئله سنندن
چیقیلوب ، حتی استقراض مسئله سی بوسبوتون اونودیلوب ، فرانسه
ایله تورکیه آراسنده کیزلی قبالی طوران مسائل معلقه نك همان هپسی
میدانه چیقاریلدی ؛ و کوریلدی که بك یاقین دوستملر صانیلان بویکی
دولتک آراسنده برخیلی مسائل مختلف فیها موجود ایمش ... « تان »
مقاله لرینك بعض قسملرینی جرائد یومیه ترجمه ایتدیله ، لیکن بعض
طرفلرینی بر اقدیلر . برده ، فرانسزلرک حکومت مزه قارشى بسلدکلی
حسن ظن و توجه لرینك درجه سنی قارئیمزک اکلامه سننه خادم کی
کوردیکمز پارچه لرینی اشاغی یه ترجمه و نقل ایدیورز :

« استانبولده ایتالیا سفیرینك باشه کلن ماده » سرلوملری باسه
مقاله ده :

« بو غیر مترقب وقعه ، ایلك اوکجه ایتالیا مطبوعاتنك مطالعاتی جلب
و دعوت ایتدی ، چونکه خلقك خصومتنه هدف اولان اولنرك سفیری
ایدی ؛ لیکن مسئله ده اعمومیدر . خلق موسیو مایور دولابلاتشك عربیه سی
اطرافنده « یره باتسون سفیر ! » یاخود « یره باتسون ایتالیا ! » دیه باغریشما .
دیله ، بلکه بك اسکیدن بری آشنا اولدیغمز « یره باتسون کاوورلر ! »
صدای عداوتی رفع ایتدیله . یکی اداره نك ، اوروپا مکتبلرنده اوقومش ،
یاخود منی ایکن غرب افکارینه سورومش بر قاج آدم طرفندن تأسیس
اولندی کورلییه رك . عموم خلقك ده ، جارچابوق عین فکرده اوله جغه ،
تأملسزجه قانیلی ویرمشدی . کنج تورکیه کندیسی ، هیچ شبهه سز کال
صدق و خلوص ایله اینسانلور و اوروپا یه ده ایناندریور که یکی اداره نك
« ملت عثمانیه » یه بر نوع تأثیر اسرار انکیزانیه سی واردر . حالبوکه « ملت
عثمانیه » اساساً ، بر وجود حقیقی اولمایوب ، بر وجود تصوریدر ، انجق
بولتیقه کوزه لکنندن طوغه بر مخلوقدر .

فی الواقع ، یالکنز قانون اساسینك اعلانی ، هیچ بر یره اولمادی کی
استانبولده روح حریتی الهام ربانی ایله نفخ و تلقین ایلیه مدی . دیگر ده
آز کوزه چاربان حادثاتدن صوكره ، ایتالیا سفیرینه ایدیلن تهدیدات تورک
حکومتی طرفندن ، بردوای کل اولقی اوزره متصل اوکه سوریلن اداره
مشروطه نك ، حمای شدید تعصبی افاقیه کافی کلدیکنه غیر قابل الرد بر
علامتدر .

« ... خلق ، ملتپرورلك ایچون ایدیان تشویقاتی ، اجانبیدن اخذ انتقام
وعطی کی تلقی ایدیور . ذاتاً بر آرز مبهم اولان عثمانی ملیتی فکرنی ، خلق ،
اجانبه قارشى بسلدیکی عدم اعتمادی ، کین و عداوتی ، کچمش زمانك قاریشیق
و ایی اکلاشیلماش خاطراتی و سیاستنه ، حکومتنه اجانبك مداخله سی خوف
باطلیله تفسیر ایدیور .

« اتحاد و ترقی قومیه سی کنج تورکلرینك و حکومت باشنه کچر دکلی
آدملرینك ملتپرورلکی ، اکثریتنك حسن نیتنه رغماً ، اولجه اویومش کی
طوران قراکلی و شدتلی احتراضاتی اویاندریمشدر ... عثمانی حکومت
مشروطه سی ، دها دون قاپیتولاسیونلرک ، کنج و مشروطی تورکیه نك
اوروپاده کی موضع جدیدی ایله آهنگدار اولمایان او اسکیمش ، موده دن
چیقمش معاهده لرک فسختی طاب ایدیوردی . بو طلبده ، قانون اساسینك ،
بر نوع افسون قوتیله « ملت عثمانیه » نك قسم اعظمی تشکیل ایدن ارنبودک ،
عربک ، کردک طبیعتی اساسندن دکیشدرمش اوله سی ادعای مندمجدی .
حقیقت دها آرز مملق ودها آرز تسلیکاردر ، و قاپیتولاسیونلر مسأله سی ،
دونه نسبهً بوکون دها کوچ قابل حل کورینیور ..

سوزك قیصه سی ، اسکی حمام اسکی طاس : غیر محق حقلمیزی
مشرقه ده محافظه وادامه ایتمک ایسترز ؛ بزم حسن توجه میز قزانمق
ایسترسه کز کوله لریمز اولکنز ؛ هلال دائماً صلیبه مغلوب قالمالیدر ،
یوقسه بیک درلو افترا اویدورور ، بینکیزی باطلاتیرز ، چونکه قوتلی
وبناء علیه حقلی یز ..

« آفریقاره فرانسه و تورکیه » سرلوملری باسه مقاله ده :

« معلومدرکه بوسنه ، فرانسه ایله تورکیه آراسنده تونس حدودی
تحدید و تعیین اولوندی . کچ اولسونده هیچ اولماسون . بو عملیات الزمدی ،
لیکن کافی دکلی . فی الحقیقه ، بز جنوبی طرابلس غرب ایله فرانسه غربی
افریقایی مواقع تلاقیسنده تورکلره محدودوز . بو قوم مشولق بزه دائماً بر
طاقم راحتزلقلری موجب اویور .. »

« تان » بویله مایخوش بر سوز باشی ایله مقاله سننه کیریشوب
« فزان » دن « قاوار » کیدن عثمانی مفرزه سننه بر فرانسز بلوکی

« سوزلری یا کلس تلی ایتمیکز . بن واقعا پانیسلاویزم طرفداریم ، فقط بن نظر منده بو لفظك معقول بر معناسی وارد . بن بوتعیرك مضمونتی هرکس کی آکلامام . پانیسلاویزم نامنه مثلاً نشر دین ایتک و بتون خلق جهانیه تکلیف اسلام ایلک مقصدی بالطبع بندن اوزاقدیر . شرک برمدنی و ارکه کوزلکی ، اصالت و نجاتی ، صنعت معماریه سنده ، ادبیاتنده ، اخلاقیاتنده ، فلسفیاتنده ، معاشرت و عاداتنده الحاصل معنویاتک بالجملة تجلیاتنده جلوه نمون اولیور . بن ایشته بو مدنیق حقیر کورمیکز ترک واهال ایتمیکز دیورم . اوروپانک خشک و خشین مدنیق سزک نازک مدنیقکزی محو ایتک عزمندهدر . بوکا قارشی جله کز یکوجود اتفاق اولهرق مدنیقکزی محافظه ایچون مجاهده ایدیکز . زیرا او کالات حقیقه شرک فطرتک ، شرق معنویاتک کزیده اک اصل تجلیاتیدر . سزکدر . طبیعتکزه ، مزاجکزه دها موافقدیر . اوروپا ایله تماسده بولان شرقیلر همه حال بزم اک ای قاعده لرمنی ، اک مستحسن عاداتی آللیورلر ، میخانه لرمنی ، اویونلرمنی ، مؤسسات سفلیه منی دها اول آللیورلر ، فناقلرمنی تقلیده عظیم بر انهماک کوستریورلر . ایشته هندستان ، مصر و جزایرله تونس میداندهدر . یوقسه فنون و صناعات کی رنک ملتیدن عاری اولان و بتون انسانیتک تکاملات مادیه سی ایچون وسائط استحصالیه دن معدود بولونان آلاک جله سنی بلا پروا تلقی ایده بیلیرسکز . فقط هویت ملیه کزی ضایع ایده جک حرکتلرده بولونماک . خلاصه یالکیز فرنگلکه اوزغیمیکز . سز نه یاپسه کز بر انگیز اوله مازسکز . فقط اوروپایی سطحی جه تقلید ایله عثمانیلقدن چیقار ، مذنب بر معنویت غیر معینه ایچنده یاشارسکز . ایشته بو فلاکتدر . »

فرنگ پرستلرک نظر ذقنه

بیروت طریقله بغداده متوجهاً عزیمت بیوران مبعوث محترم بابان زاده اسماعیل حق بک افندی مسازری ماریتیم قومپانیاسنک نیژده واپورنده یولجیلرک اوج درت کون فرانسه عادات و معیشتیه توفیق حرکت مجبوریتندن متولد احتیاساتی (طین) رفیقمنزه کوندردیکی بر مکتوبده تصویر بیوریورلر . بر قاچ هفته اول ینه طنین ده مندرج اسماعیل مشتاق بک اوروپا سیاحتی خاطرملرینک برنجیسیله قارشو . لاشدیره رق کال دقتله مطالعه بیورلمسنی توصیه ایدرز :

اجنبی واپورینه بین یولجیلر درحال مملکتلرندن صانکه بیکلرجه فرسخ تباعد ایتشیلر کی برچوق عاداته کرها مطیع اولیورلر . بر ترکی هیچ بر حاضرلغه ، هیچ برادمانه تابع طوتمدن بردن بره فرانسه نک برکوشه سینه آتیکز . واپور اوراده ییوب ، ایچمک ، یاقق ، یورومک ، اوطورمق وسائره ایچون نه عادتله وار ایسه اوکا منقاد قلمیکز . ایشته هر عثمانیلک اجنبی واپورینه بیزکن آلدینی آجینه حق حال و وضعیت .

شمی بوراده مسازری ماریتیم قومپانیه سنی معاتب طوتم می؟ بنجه بالعکس . زیرا بو حال کوستریورک هرشیده ، حق اکل و شریده بیله بر عصیت ملیه اظهار اولونیور . برانکلیز چین کیتسه بیله کندیسی چین کیتمش دکل چینی کندی آیاغنه کلس فرض ایدرک اعتیاداتک هیچ برخی بوزماز . جای وزیارت وقتی ، اویقو وایاقی زمانی شاشیرماز . ایشته کندی عادتلرند بو ثبات واصراردرکه اقوام غریبه یه معنوی برتفوق تأمین ایدیور و بر شرقیلری کندی مملکتزده اولدیغز حاله یالکیز اقتصاداً ، تجارتاً ، سیاستاً دکل ، عادات اکل و شریده ونوم و بقطه ده بیله ایستر ایستمز اولنرک زبونی قیلیور .

قوتک ، تفوق مدنیقک علامات و اشارتدن بری ده بودر . مدنیق غالب کلن بر قوم نریده کیتسه لسانی ، طرز تفکرینی ، عادتو اورایه تسلیم ایتدیرر . بر فرانسه ویا بر انگلیز بزم مملکتزده کلدیکی زمان احتیاجات روز مره سنی دفع ایچون ترکیه ویا دیگر برلسان محلی اوکرنک ایسته من ، ایسترکه کیتدیکی مملکتک بتون اهالیسی کندی لسانی اوکرنسون ! زیرا

طرفندن روا کوریلش معامله غیر لایقهبی کندی نقطه نظرینه کوره تفصیل ایتدکن صوکره ، شو سوزلرله مقاله سنی بیتریور :

« آفریقای وسطی ممالکمز ازواج ایدن بوتون محل انتظام و اسایش عناصر - غزوه لر ، اتحاد اسلام نشریاتی ، سلاح و کتول قیاجیلر - طرابلس غرب حدودندن کلپور . بوکا آرتق تحمل اولونماز . بزم آفریقاده برچوق منافعه وار . بومانی بعضی مأمورین سیاسییه من ایجه بیله میورلرسه بیله مدافعه سی لابددر . کرک تورک حکومتیه ، کرکسه تورکیه ده بولنان مأمور - لر عزه آرتق اخطار ایچون وقت کلسدرکه فرانسه بویوک بر آفریقا دولتیدر و آفریقاده تمامیت ملکیه سنی اولسون ، آفریقای تبعه سنک حقوقی اولسون غیرت متساویه ایله محافظه ایله جکدر . »

بو صوک جله لر جزائر و تونسلی قارده شلریمزک مقام خلافت عظمایه قارشی حسیات اسلامی لرینی اظهاره جسارت ایتملرینه ورده ، بیلیم زده اصل ونسلی مجهول ، کویا جزائرلی بر آدمک حقوقک محافظه سنی رجاء فرانسه قونسلسنه مراجعت ایله مه سینه نامیحدر . اما اصل تلاشی ، عالم اسلامده کوریلن بعضی علائم انتباهدن ، وکنج تورک حکومتی صاقین بو انتباهدن استفاده یه قالدیشماسون قورقوسندن نشأت ایدیور .

چونکه فرانسلر ای بیلیورلرکه آفریقاده بویوک بر دولت اولقله برابر قوی بر دوات دکلدرلر .

انکلیز معلم براون ک عالم اسلام حقنده افکاری

بوتون غرب صرف قبا قوته پرستش ایدوب ، بو عصرده اوقبا قوتک صاحب اولدقلرندن بوتون عالمی اوکلرند دیز جو کدیرمک ایستدکاری حاله ، کال استغراب ایله ایشید یورزکه آرالرنده بعضاً حسن و خیری سونلر ، ودها غریبی محاسن اسلامی حس و ادراک ایده بیلنلر وار ایمش ! بر درجه ده که بالذات مسلمانلر بیله محق و معقول وصایاده بولنه بیلورلر . بونی بزه فیلسوف رضا توفیق بک افندی ، « اقدام » ستونلرنده شویله آکلاتیور :

« معلم براون صحنه تاریخده بر جهره اصیل و ذاتی ایله اورته یه چیقوب بیوک بر رول اوینایان شرقی و بالخاصه اسلام مدنیقک انقراضیه ، انهدامیه بر درلو کوکلی راضی اوله ماز . اوروپانک بوسوک عصرده مسالک سیاسیینی تمیل ایدن حرص استیلا و امپریالیزم مسئله لرینه دائر آره مزده جریان ایدن بر مباحثه ده فکر مخصوصی کندیسنه صراحت عرض ایتش و قبا قوته قارشی اک نازک بر مدنیقک ، اک حساس اقوامک محکوم اولدیغنی کال یأس ایله سولشدر . معلم محترم کال خلوص ایله شو ملاطافی بیان ایتشدی :

« اوت ! .. سیاست عالمده بو کون حکم فرما اولان پرنسپ (الحکم لن غلب) قاعده سیدر . مع الناسف بو کونکی مسالک سیاست بوی امان قانونه استناد ایدیور . سیاست حاضرده بو کون مقصد معین بودر . جهانی استیلا ایتک و اقوام ضعیفه یی یواش یواش افنا ایلک در ..

« بن . بو تشبیهات مخربیه یی جماعت انسانییه و مدنیق حقیقه ایچون بر فلاکت اوله رق تلقی ایدرم . داروینیزم پرنسپلرینک سیاسیانه تطبیق بوضلالته سبب اولشدر . اک قابلیت اولان ملتک سائرلرینه تفوق ایدوب یاشامه سی مشروع و محق عد اولونجه کندی قوته کوهن بر دولت امل استیلا پرورانه سنده جلاد انسانیت کسلیلر . بونک ایچوندرکه مدنیق اسلامییه یی بعضی وجوه ایله اوروپا مدنیقته فائق بولورم . بو مدنیق اورته دن قالدیروب سوپورمک اوزره یورون قوته قارشی عالم اسلام توحید فکر و امل ایدوب مقاومت ایللی در . بو کوزل مدنیق منقرض اولاملی در . »